



Meeqqat angerlasimaffiup avataanut inissineqartartut pillugit angajoqqaanut paaseqatigiiffiunerusumik suleqateqarnissamik, ersarinnerusunillu piumasaqaasiortoqartalernissaanik Naalakkersuisut suliniuteqaqqunissaat pillugu apeqquteqaat aallaavigalugu Inatsisartut oqallinnissaannik siunnersuut. Taamaaliornikkut angerlarsimaffiup qimagutsitaaffiusup nakkutigineqarluni, angajoqqaallu qaninnerusumik suleqatigalugit, angajoqqaanik siunnersuineq, katsorsaaneq allanillu angerlarsimaffiup pitsanngoriaateqarfiusumik meeqqanut angalarsimaffimmiit qimagutsitaasimasunut piaarnerusumik angerlartitseqqinnissaq anguneqarsinnaaqqullugu.

(Inatsisartunut ilaasortaq, Anthon Frederiksen, Partii Naleraq).

Nunatsinni pissutsinik allannguissangutta aallartiffik pingaarnepaajuvoq ilaqutariit nukittuut. Allannguneq pingaarnepaaq nunamullu pitsaasumut aqqut pingaarnepaaq tassaavoq ilaqutariinneq peqqissoq. Angajoqqaq meeqqaminnut isumassuisinnaasut, meeqqap sinaakkutinik pisariarqartitaanik tunniussisinnaaneq pingaarnepaarpaajuvoq.

Demokraatit isumaqanngillat angajoqqaat aningaasarpassuaateqartariaqartut angajoqqaajulluarniaraanni. Angajoqqaajulluassuseq inuup qanoq issusianiippoq. Aningaasaniingilaq.

Qujanartumik nunatsinni persiarfissarpassuaqarpungut, kikkuungaluaruttaluunniit ilinniarnissamut periarfissaqarpugut, kikkuungaluaruttaluunniit sinnattugut malinnissaanut periarfissaqarpugut, tassa nunatta nakooqutaasa annerssaat.

Angajoqqaat nukissaaleqisut sorpassuarnik peqquteqarlutik sulisinnaanngikkunik aamma ikiorsiissutinik periarfissaqarpugut, taamaattumik tamanna angajoqqaajulluarsinnaannginnermut utoqqatsissutaassanngilaq.

Demokraatiniik pisariaqavissoraarput nunatsinni pisariaqarluinnartoq angajoqqaajussuseq sunaanersoq eqqartussallugu. Ullutsinni meeqqatsinnut piumasaqaatit annikipallaalersimasut ersiutingaat meeqqat amerlavallaalersimmata inoqatiminnut ataqqinninnginnerat. Inersimasunut ataqinninneq annikilliarforsimavoq.

Tamannalu ernumanarturujussuarmik nunatta siunissaanut pilersitsivoq.



Piomasaaqatitalimmik perorsaaneq naanguna? Sunaana ersissutingingipput? Sunaana annilaangangingipput? Meeraq piomasaaqatitalimmik perorsarutsigu sequmissanasorilersimavarput?

Isumaqarpunga meeraq pinngortinneqartoq nunatsinni pisortat perorsangassarinnikkaat, angajoqqaalli taakkuupput piaarnerpaamik sinaakkusiisussat.

Angajoqqaajussuseq eqqartortigu, naanguna angajoqqaat nuna tamakkerlugu oqaaseqartartussaaf? Angajoqqaamiik angajoqqaamut perorsaariaaseq eqqartorneqarnissaa kissaatinginarpoq, politikkeriniik angajoqqaanut qanoq perorsaariaaseqarnissamik peqqusineq naammannerujussuarmat.

Piaarnerpaamik angajoqqaaq isumalioqatigiiffissaanik pilersitsisariarqarpugut MIO-p apuussiffingisinnaasaanik suleqatingisinnaasaanik, angajoqqaallu sinnerlugit tamaasa oqaaseqarsinnaasumik, sooq?

Angajoqqaajutigut Nanutta siunissaanut aaliangiisussat pingaarnersarimmagit.